

ТРИОДИОН СИЕСТЬ ТРИПЕСНЕЦ

С БОГОМ СВЯТЫМ, ОБДЕРЖАЙ ПОДОБАЮЩЕЕ ЕМУ ПОСЛЕДОВАНИЕ.

НЕДЕЛЯ, В НЮЖЕ ЧТЕТСЯ СВЯЩЕННОЕ И СВЯТОЕ ЕВАНГЕЛИЕ, ПРИТЧИ МЫТАРЯ И ФАРИСЕЯ

В СУББОТУ ВЕЧЕРА

По предначинательном псалме, стихословим Блажен муж: 1-ю кафисму всю.

На Господи возвах, поставим стихов 10: и поем Осмогласника стихирь воскресны 3: и анатолевы 4: и Триоди самогласны две, повторяюще первую, Глас 1.

Не помóлимся фарисейски, братие: / ибо возносяй себе смирится. / Смирим себе пред Богом, / мытарски пощением зовуще: / очисти ны, Боже, грешныя.

Фарисей тщеславием побеждаем, / и мытарь покаянием приклоняем, / приступиста к Тебе единому Владыце: / но ов убо похвалився, лишися благих: / ов же ничтоже вещав, сподобися дарований. / В сих воздыханиих утверди мя, Христэ Боже, / яко Человеколюбец.

Слава, глас 8: Вседержителю Господи, / вем, колико мógут слезы: / Езекию бо от врат смертных возведóша, / грешную от многолétных согрешений избáвиша, / мытаря же пáче фарисея оправдáша: / и молюся, с ними причтáв, помилуй мя.

И ныне, Богородичен 1-й, рядоваго гласа.

На литии стихира святого обители, по обычаю.

Слава, глас 3: Мытаря и фарисея различие разумевши душе моя, / онаго убо возненавидь гордынный глас, / оваго же ревнуй благоумиленной молитве, и возопий: / Боже очисти мя грешнаго, и помилуй мя.

И ныне, Богородичен воскресен, в тойже глас: Без семене от Божественнаго Духа, / волею же Отчею зачала еси Сына Божия, / от Отца без матере прежде век суща, / нас же ради, из Тебе без отца бывша, плотию родила еси, / и Младенца млеко́м питала еси. / Темже не престай молити, / избавитися от бед душам нашим.

На стиховне стихирь Осмогласника по алфавиту.

Слава, глас 5: Отягченными очима моима от беззаконий моих, / не могу возрети и видети высоту небесную: / но прими мя, яко мытаря кающася, Спасе, / и помилуй мя.

И ныне, Богородичен, в тойже глас: Храм и дверь еси, / палата и престол Царев, / Дево Всечестная, / Еюже Избавитель мой Христос Господь, / во тьме спящим явися, / солнце сый правды, / просветити хотя, / яже созда по образу Своему рукою Своею: / темже, Всепетая, / яко матерне дерзновение к Немю стяжавши, / непрестанно моли / спастися душам нашим.

Тропарь: Богородице Дево, глаголется трижды. И бывает благословение хлебов, и раздаяние. И чтение велие в Посланиих апостольских.

Последование прилучившагося святого в Неделю сию, и в блуднаго, поем в пяток на Повечерии, или егда еклисиарх разсудит: аще токмо не случится коего великаго святого, или святого храма: зане храм и не великаго святого, больши воследуется великаго святого, на свой ему храмный праздник, еже должно есть бдению бывати, и никакоже оставлять в память его, ниже прелгается на ин день. Но поем службу храму, якоже и Сретению Господню, во вся дни, в няже и Сретение Господне бывает.

НА УТРЕНИ

По шести псалмех, Бог Господь, на глас Осмогласника. И глаголем тропарь воскресен дважды, Богородичен единожды, и обычная стихословия ~~Седальны Осмогласника. По Недорочных тропари Ангельский собор: ипакои. Степенны и прокимен гласа: Всякое дыханіе: Евангелие воскресно ряду. Воскресение Христово: псалом 50.~~

Слава, глас 8: Покаянія отвѣрзи ми двѣри, Жизнодавче, / утренюет бо дух мой ко храму святому Твоему, / храм носяй телесный весь осквернен: / но яко щедр, очисти / благоутрбною Твоею милостию.

И ныне, Богородичен: На спасения стези настави мя, Богородице, / студными бо окалях душу грехми, / и в лености все житие мое иждих: / но Твоими молитвами / избави мя от всякия нечистоты.

Таже, глас 6: Помилуй мя, Бже, / по велицей милости Твоей, / и по множеству щедрот Твоих, / очисти беззаконие мое.

Множества содеянных мною лютых помышляя окаянный, / трепещу страшнаго дне суднаго: / но надеяся на милость благоутрбия Твоего, / яко Давид вопию Ти: / помилуй мя, Бже, / по велицей Твоей милости.

Канон воскресен Осмогласника, со ирмосом на 4, и крестовоскресный на два, и Богородицы на два: и в Триоди на 6. Творение Георгия. Егоже краестрочие в Богородичнах: Георгия, глас 6:

Песнь 1.

Ирмос: Яко по суху, пешешествовав Израиль / по бездне стопами, / гонителя фараона / вида потопляема, / Богу победную песнь поим, вопияше.

Притчами вводяй вся Христос, / к жития исправлению, / мытаря возвышает от смирения, / показав фарисея возвышением смиряема.

От смирения честь высокотворяющую, / от возношения же падение вида лютое, / мытаревым ревнуй добрым, / и фарисейскую злобу возненавидь.

От возношения испражняется всякое благое, / от смирения же потребляется всякое злое: / еже облобызайм вернии, / гнушающаяся яве образа тщеславнаго.

Смиреномудрым быти Своим учеником хотя всех Царь, / наказуя учаше ревновати / мытареву воздыханию и смирению.

Слава: Яко мытарь стену, и рыданьми немолчными Господи, / ныне прихожду Твоему благоутрбию: / ущедри и мене, смирением жизнь ныне препровождающая.

И ныне, Богородичен: Разум, совет, чаяние, / тело, душу и дух, Владычице, возлагаю к Тебе: / лютых враг и напастей, / и будущего прещения избави, и спаси мя.

Катавасия: Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуясь, Тоя чудеса.

Песнь 3.

Ирмос: Несть свят, / якоже Ты, Господи Бже мой, / вознесый рог верных Твоих, Блаже, / и утвердивый нас на камени / исповедания Твоего.

От гноища убо страстей смиренный возношается, / от высоты же добродетелей низпадает люте всяк высокосердый: / егоже образа злобы убежим.

Тщеславие отщетеваает богатство правды, / смирение же расточает страстей множество: / еже подражающия ны, части покажи мытаревы Спасе.

Яко мытарь и мы биющися в перси, умилением вопием: / очисти Бже нас, грешных, / яко да сего примем оставление.

К ревности приидем вернии, исправляюще краткое, / смиренію соживуще в стенании сердца, плаче же и молитве, / яко да имамаы от Бѡга прощение.

Слава: Отрѣнем вернии высокохвальную гордыню, / возношение же лютое, и дмение мерзкое, / и злейшее фарисеево Бѡгу нелѣпое свирепство.

И ныне, Богородичен: В Тебѣ едином прибежищи надеявся, / да не отпаду добраго чаяния: / но да улучу Твою по́мощь Чѣстая, / всякаго вреда лю́тых избавляемый.

Катавасія: Твоя песнословцы, Богородице, / Живый и Незавѣстный Источниче, / лик себѣ совокупльшия, духовно утверди, / в Божественной Твоей славе / венцев славы сподоби.

Седальны, глас 4.

Подобен: Скоро предвари:

Смирение вознесѣ одержимаго злыми, мытаря возстенавша, / и еже очисти, к Зиждѣтелю воззавша: / возношение же низложѣ от правды / окайннаго фарисея велеречуща. / Темже поревнуѣм добрым, злых отступающе.

Слава: Смирение древле вознесѣ мытаря, / плачем возопивша: очисти, и оправдѣся. / Того подражаѣм вси, во глубинѣ зол впадшии, / возопиѣм Спасу из глубины сердца: / согрѣшихом, очисти едѣне Человеколюбче.

И ныне, Богородичен: Скоро прими Владычице, молѣния наша, / и сѣя принеси Твоему Сыну и Бѡгу, Госпожѣ Всенепорочная: / разреши обстояния к Тебѣ притекающих, / сокруши козни, и низложѣ дерзость вооружающихся безбѡжно / на рабы Твоя, Пречѣстая.

Песнь 4.

Ирмос: Христос мой сила, / Бог и Господь, / честная Церковь / боголѣпно поет, зывающе, / от смѣсла чѣста, а Господе празднующи.

Изрядный показѣ путь возношения, смиреніе, / Слово смирившееся даже и до зрака рабѣя: / Егоже подражаѣ всякий, возношаѣтся смиряся.

Вознесѣся праведник, и низпаде фарисей: / во множестве же зол отягчаемый смирися, / но вознесѣся мытарь, ненадежно оправдаемый.

Нищеты ходатай, от богатства добродетелей, безуміе явѣся: / и богатство абие смиреніе оправдания от крайня нищеты, / юже стяжим.

Иредрекѣ еси Владыко, велемудрствующим противостати всячески, / и смиреннымъ благодать Твою подаѣ Спасе, / смирившимся ныне нам Твою благодать низпосли.

Слава: К Божественному возношению присно возводя нас Спас и Владыка, / высокотворное показѣ смиреніе: / ноги бо учеником Своима рукама обмы.

И ныне, Богородичен: Яко Свет неприступный Дѣво рождаша, / души мояѣ тьму светительную зарѣю разжени, / и к стезям спасения житиѣ моѣ руководствуй.

Катавасія: Седѣй в Славе / на Престоле Божества / во облаце легце, / прииди Исус Пребожественный, / Нетленною Дланию / и спасѣ зовущия: / слава, Христѣ, силе Твоей.

Песнь 5.

Ирмос: Божиим светом Твоим, Блаже, / утренующих Ти души любовью озари, молюся, / Тя ведети, Слове Божий, / истиннаго Бѡга, / от мрака греховнаго зывающа.

Фарисеевы добродетели потщимся подражати, / и поревновати мытареву смиренію, / во обою ненавидяще безмѣстное мнение, / и пагубу падений.

Правды течѣние тщѣтное обличѣся, / сопрѣг в нем фарисей мнение: / абие же мытарь высокотворною добродетелию / стяжѣ спутника, смиреніе.

Колесничник в добродетелех, мняшѣся теши фарисей: / но пеший, паче лидийския колесницы текѣй, мытарь добре предвари, / припрѣг щедроте смиреніе.

Мытарёву прѣтчу вси уразумѣвше умомъ, / приидѣте поревнѣимъ слезамъ, / духъ сокрушеннѣй Бѣгу приносяще, / греховъ ищуще оставленія.

Слава: Возносливѣый и злѣбнѣый, горделивѣый же и дерзѣый / далѣче отрѣнемъ разумнѣи фари́сеевъ нравъ, лю́тѣй велехвальный, / ꙗко да не обнажимъ Божественнѣя благодати.

И ныне, Богородичен: Жезлъ силы Благая, всемъ низпосли намъ къ Тебѣ прибегающимъ, / обладати посреде́ всехъ врагъ подающе, / и всякаго вреда изымающе.

Катавасія: Ужасошася всяческая / о Божественнѣй славе Твоей: / Ты бо, Неискусобрачная Дѣво, / имѣла еси́ во утробѣ надъ все́ми Бѣга / и родила еси́ Безлѣтнаго Сына, / всемъ воспевающимъ Тя / миръ подающая.

Песнь 6.

Ирмос: Житейское море, / воздвизаемое зря напастей бурею, / къ тихому пристанищу Твоему притекъ, вопию Ти: / возведи отъ гни живото́ мой, / Многомилостиве.

Житія поприще мытарь въкупе и фари́сей течаста: / но овъ ѹбо высокоумиемъ содержимъ, срамне утону, / овъ же смирениемъ спасеся.

Житія бедное преминующе мы течение, / подражамъ мытарёво ѹбо мудрование ревнительно: / бежимъ же киченія мерзкаго фари́сея, и живи будемъ.

Нравомъ поревнѣимъ Спаса Иисуса, и Его́ смирению, / желающе непрестанное радости селение получитьи, / во странѣ живущихъ водворяющеся.

Показалъ еси́ Владыко, Твоимъ ученикомъ высокотворное смирение, / лентиемъ препоясанъ по чресломъ, но́зе умылъ еси́, / и сему́ образу подражати повелѣлъ еси́.

Слава: Житие проидоста фари́сей добродетельми, и мытарь прегрешеньми. / Но овъ ѹбо отъ гордости умовредныя, отступилъ смирения: / овъ же возношается, смиренному́дръ явлься.

И ныне, Богородичен: На́га простотою, нехитростною же жизнью создана, / преступленія лестию одея мя врагъ, и плоти дебелствомъ: / ны́не же Твоимъ ходатайствомъ Отрокови́це, спасаюся.

Катавасія: Божественное сие и всечестное / совершающе празднество, / Богомудрии, Богоматере, / приидѣте, руками восплещимъ, / от Нея́ рождшагося Бѣга славимъ.

Кондакъ, гласъ 4.

Подобенъ: Явилъся еси́ днесь:

Фари́сеева убежимъ высокоглаголанія, / и мытарёве научимъ высотѣ глаголъ смиренныхъ, / покаяниемъ взывающе: / Спасе́ міра, / очисти рабы́ Твоя́.

Вторый кондакъ, гласъ 3.

Подобенъ: Дѣва днесь:

Воздыханія принесемъ мытарская́ Господеви, / и къ Немѹ приступимъ грешнии ꙗко Влады́це: / хощетъ бо спасенія всехъ человековъ, / оставление подаётъ всемъ кающимъся. / Насъ бо ради воплотися, / Богъ съи́ Отцѹ собезначальный.

Икос: Са́ми себѣ братіе вси смиримъ въздыханьми, / рыданьми поби́емъ совесть: / да въ судѣ тогда́ вѣчномъ тамо́ явимъся вернии, / неповинни, получивше оставление. / Тамо́ бо есть войстинну ослабление, / еже видети намъ ны́не умлимъ: / тамо́ болѣзнь отбежѣ, печаль и из глубины́ въздыханія, / во Еде́ме дивнемъ, егѣже Христо́с Зиждитель, / Богъ съи́ Отцѹ собезначальный.

Синаксарь.

Песнь 7.

Ирмос: Росодательну ѹбо пещь / содела́ Ангелъ / преподобнымъ отрокомъ, / халдеи́ же опаляющее / веление́ Бѣжие мучителя увещая́ вопити: / благословенъ еси́, Бѣже отецъ нашихъ.

Оправдания дѣлы возвышаемый, / сетьми тщеславія люте превознесѣя фарисей, безмѣрно хваляся: / мытарь же лѣгким крилом смиренія вознесѣя, Бѣгу приближися.

Смиренія аки лѣствицею употребився образом мытарь, / к небесней высотѣ возвысися: / гордынею же гнилою и безумием окаянный вознесѣя фарисей, / снѣде до ада преисподняго.

Праведных ловя убо лукавый, / образми тщеславія крадет: / грѣшных же сетьми отчаянія связует. / Но убо от обоих зол мытаря ревнителіе, избавитися потщимся.

Молитвою Бѣгу нашему припадѣм, / слезами и теплыми воздыханіи, / подражающе мытарѣво высокотворное смиреніе, поюще вернии: / благословѣн еси Бѣже отѣц наших.

Слава: Наказуяи ученики предглагола еси Владыко, не мудрствовати высокая, / соводитися же смиренным уча Спасе. / Темже зовѣм Тебѣ вернии: / благословѣн еси Бѣже отѣц наших.

И ныне, Богородичен: Иаковлю Тя доброту, и Божественную лѣствицу, / от долу юже виде первее, простертую к высотѣ, / вѣмы Чистая, низводящую свѣше Бѣга воплощенна, / и земныя паки возводящую.

Катавасія: Не послужиша твари Богомудрии / паче Создавшаго, / но, огненное прещеніе мужески поправше, / радовахуся, поюще: / препѣтый отцев Господь и Бог, благословѣн еси.

Песнь 8.

Ирмос: Из пламене преподобным росу источил еси / и праведнаго жертву водою попалил еси: / вся бо твориши, Христе, токмо еже хотети. / Тя превозносим во вся вѣки.

Смиреномудренным нравом / милостива Господа мытарь воздохнув обрете, и спасен бысть: / образом же лютым языка велеречиваго, / правды отпадѣ фарисей.

Фарисеева киченія произволѣнія, / и именованія чистоты, бежим вернии: / ревнующе мытарѣву добре / помилowanному смиренію и нраву.

Гласы мытарѣвы вернии вещаем в церкви святѣй: / Бѣже очисти, да с ним улучим прощѣніе, / пагубы велехвальнаго избавльшеся фарисей.

Воздыханію мытарѣву вси поревнуим, / и Бѣгу бесѣдующе, теплыми слезами возопийм Ему: / Человеколюбче, согрѣшихом, / благоутробне Щедрыи, очисти и спаси.

~~Благословим Отца и Сына и Святаго Духа, Господа.~~

Стенаніем мытарѣвым Бог преклонися, оправдив же сего, / всем показѣ преклонятися присно, воздыханіи же и слезами, / прегрѣшеній просяще разрешѣніе.

И ныне и присно и во вѣки вѣков, аминь.

Богородичен: Не вем паче Тебѣ иного заступленія, / Тя предлагаю молитвенницу, Чистая Всенепорочная. / Тя ко из Тебѣ рожденному ходатаицу движу: / всех оскорбляющих мя свободна покажи.

Катавасія: Отроки благочестивыя в пещи / Рождество Богородичо спасло есть; / тогда убо образуемое, / ныне же действующее, / вселенную всю воздвизает пѣти Тебѣ: / Господа пойте, дела, / и превозносите Его во вся вѣки.

Песнь 9.

Ирмос: Бѣга / человеком невозможно видети, / на Негоже не смѣют чини Ангельстии взираати; / Тобою бо, Всечистая, явися человеком / Слово воплощенно, / Егоже величающе, / с Небесными вои Тя ублажаем.

Путь возношенія смиреніе, / от Христа взѣмше спасенія образ, / мытарѣву обычаю поревнуим, / киченіе возношенія далѣче отметающе, / нравом же смиреномудрия Бѣга умоляюще.

Душевную гордыню отвержим, / нрав правый смиреномудрия стяжим, / себѣ оправдати не тщимся, / тщеславія киченіе возненавидим, / и с мытарем Бѣга умолим.

Молитвы Содетелю милости принесём мытарския, / фарисейских отвращающиеся неблагоприятных молитв, и велехвальных гласов, / иже на ближнего суд возводят, / да Бога милостива и свет привлечём.

Многим прегрешений собранием отягчен, / избытием злобы мытаря преидох, / и фарисеево велехвальное кичение притяжах, / отсюда пуст всех быв благих: / Господи, пощади мя.

Твоего сподоби блаженства, / Тебе ради духом нищих сущих: / учением бо Твоего повеления, / дух сокрушённый Тебе приносим, Спасе, / приём, спаси Тебе служащия.

Слава: Богу мытарь некогда помолившись, / в церковь верне вшед, оправдася: / воздыханьми бо и слезами пришед, сокрушением же сердца: / все отложи грехов бремя очищенными.

И ныне, Богородичен: Пети, славити, и блажити Тя давай нам, / достойно чтущим Тя Пречистая, / и Рождество Твое величающим, едина благословенная: / Ты бо еси похвала христианом, / и к Богу молитвенница благоприятная.

Катавасия: Всяк земнородный / да възграется, Духом просвещаемь, / да торжествует же Безплотных умов естество, / почитающее священное торжество Богоматере, / и да вопиет: / радуйся, Всеблаженная, / Богородице, Чистая Приснодево.

Ексапостиларий воскресный.

Таже Триоди, глас 1.

Подобен: Со ученики взыдем:

Слава: Высокоречия убежим фарисеева злейшаго, / смирению же навикнем мытареву изряднейшему, / да вознесёмся вопиюще к Богу со оном: / очисти рабы Твоя, / родившись от Девы Христэ Спасе волею, / и Крест претерпевый, / совоздвигнувший мир Твоим Божественным могуществом.

И ныне, Богородичен, подобен: Творец создания, и Бог всех, / плоть человеческую прият из непорочныя утробы Твоея, / Всепетая Богородице: / и тленное мое естество все обнови, / паки якоже прежде рождества оставль по рождестве. / Отонудуже Тя верою вси восхваляюще зовём: / радуйся миру славо.

На хвалитех стихире воскресны Осмогласника, 4.

И Триоди самогласны 4:

Не помолимся фарисейски, братие: / ибо возносая себе смирится. / Смирим себе пред Богом, / мытарски пощением зовуще: / очисти ны, Боже, грешныя.

Стих: Возвеселюся и возрадуюся о Тебе, / пою имени Твоему, Вышний.

Фарисей тщеславием побеждаемь, / и мытарь покаянием приклоняемь, / приступиста к Тебе единому Владыце: / но ов убо похвалився, лишися благих: / ов же ничтоже вещав, сподобися дарований. / В сих воздыханиих утверди мя, Христэ Боже, / яко Человеколюбец.

Стих: Воскресни, Господи Боже мой, да вознесётся рука Твоя, / не забуди убогих Твоих до конца.

Глас 3: Мытаря и фарисея различие разумевши душе моя, / онаго убо возненавидь гордынный глас: / оваго же ревнуй благоумиленной молитве, и возопий: / Боже, очисти мя грешнаго, и помилуй мя.

Стих: Исповемся Тебе, Господи, всем сердцем моим, / повем вся чудеса Твоя.

Фарисея велехвальный глас, вернии возненавидеше, / мытаревой же благоумиленной молитве поревновавше, / не высокая мудствуем, но себе смиряюще со умилением воззовём: / Боже, очисти грехи наша.

Слава, глас 8: От дел похваленными, / фарисея оправдающа себе осудил еси Господи, / и мытаря смирившася, / и воздыханьми очищения просяща оправдал еси: / не внимаеши бо

велемудренным помыслѡм, / и сокрушенна сердца не унижаеши. / Темже и мы Тебѣ припадаем во смиреніи, / пострадавшему нас ради: / подаждь оставление и велию милость.

И ныне: Преблагословенна еси Богородице Дѣво:

Славословие великое и отпуст. И обычно лития в притворе, в нейже поем: Слава, и ныне: стихиру утреннюю евангельскую. И час первый.

Подобает ведати, яко стихиры вся 11 утренния евангельския, от сея настоящия Недели, и даже до Всех святых, на литиях утренних поются в притворе, на Слава, и ныне. Вестно же буди, яко от сея Недели начинаем чести в притворе, по отпусте литии, оглашения святого отца нашего Феодора Студита. И аще тамо есть игумен, чтутся от него: аще же ни, то от еклисиарха, стоящим, и со вниманием слушающим братьям. По скончании же чтения глаголем тропарь преподобному Феодору, глас 8: Православия наставниче: без Богородична. И совершенный отпуст.

НА ЛИТУРГИИ

Блаженны Осмогласника, и от канона песнь 6.

Кондак Триоди, глас 4.

Подобен: Явился еси днесь:

Фарисеева убежим высокоглаголания, / и мытареве научимся высотѣ глагол смиренных, / покаянием взывающе: / Спасе мира, / очисти рабы Твоя.

~~Прокимен прилучившагося гласа.~~

Апостол к Тимофею, зачало 296.

Чѣдо Тимофее, ты последовал еси моему учению, житию, привѣту, вере, долготерпению, любви, терпению, изгнанием, страданием, якова ми быша во Антиохии, и во Иконии, и в Листрех: якова изгнания приях, и от всех мя избавил ест Господь. И вси же хотящии благочестно жити о Христе Иисусе, гоними будут. Лукавии же человецы и чародѣи преуспѣют на горшее, прельщающе и прельщаеми. Ты же пребывай в нихже научен еси и яже вверена суть тебѣ, ведый, от кого научился еси. И яко из млада священна писания умееши, могущая тя умудрити во спасение верою, яже о Христе Иисусе.

Аллилуиа.

Евангелие от Луки, зачало 89.

Рече Господь притчу сию: человека два видоста в церковь помолитися: един фарисей, а другой мытарь. Фарисей же став, сице в себе моляшеся: Бже, хвалу Тебѣ воздаю, яко несьмь якоже прочии человецы, хищницы, неправедницы, прелюбодее, или якоже сей мытарь. Пошуся двакрыты в субботу, десятину даю всего елико притяжу. Мытарь же издалеча стоя, не хотяше ни очию возвести на небо, но бияше перси своя, глаголя: Бже, милостив буди мне грешнику. Глаголю вам, яко сниде сей оправдан в дом свой паче онаго: яко всяк возносыйся, смирится, смиряя же себе, вознесется.

Причasten: Хвалите Господа с Небес, хвалите Его в Вышних. Аллилуиа, трижды.

~~Подобает ведати, яко в сей седмице чин мудрствующих содержат пост глаголемый арцивриев. Мы же, [монаси] на кийждо день [се же, и в среду и пяток:] вкушаем сыр и яйца, [в 9 час.] Миряне же ядят мясо, разврашающе оных веление толика ереси.~~

Аще случится праздник Сретения Господня в субботу мясопустную, служба умерших поется в гробнице вся, вечер и утро: аще ли несть гробницы, то поется в сию субботу пред Неделюю о блуднем: а тамо в субботу мясопустную, точию празднику единому поется.